



Pastor

St. Mary's Armenian Apostolic Church of Washington, D. C.

42ND AND FESSENDEN STREETS, N. W. (AT WISCONSIN AVE.), WASHINGTON, D. C. 20016

HONE, EM. 3-1923 —
SHOP PAKKEN VARJABEDIAN

1969 ՏԱՐԻՈՅ ՀՈՎՈՒԱԿԱՆ ՏԵՂԵԿԱԳԻՐ, ՈՒԱՄԻՆԿԹՐՆԻ
Ս.ԱՍՏՈՒԱՍԱԾԻՆ ՀԱՅՑ.ԵԿԵՂԵՑԻՈՅ

Հրիւ տարի մը անցած է այն օրէն, երբ այս Ս.Եկեղեցւոյ Հոգեւոր Հիվիւի պաշտօնին կոչուեցայ 1969 տարւոյ Ս.Մննդեան տօնին առիթով:

Աստուծոյ ողորմութեամբ միասին գործեցինք ամբողջ տարի մը մեր Եկեղեցւոյ պայծառութեան եւ մեր հաւատացեալ ժողովուրդի հոգեւոր կեանքի յառաջդիմութեան համար:

Հոգեւոր Հիվիւի մը գործունէութիւնը Մուխէն ներս ունի զանազան երեսներ զանոնք կրնանք բաժնել հետեւեալ գլուխներու տակ:

ա - Հոգեւոր եկեղեցական կեանք որ կը մատակարարուի Ս.Պատարագի մատուցմամբ, բանին կենաց քարոզութեամբ, խորհրդակատարութիւններով եւ եկեղեցական արարողութիւններու կատարմամբ:

Ամէն կիրակի կանոնաւորաբար Ս.Պատարագ մատուցուած է եւ քարոզած ենք եկեղեցւոյ մէջ: Ունեցած ենք հետեւեալ խորհրդակատարութիւնները.

Սկրտութիւն 5
Պսակ 2

Մեր համայնքէն կորսնցուցած ենք 2 անդամներ 1969 տարւոյ ընթացքին:

բ - Այցելու հոգեւորականներ: Տարւոյս ընթացքին մեր եկեղեցւոյ մէջ պատարագած եւ քարոզած են Թեմիս Առաջնորդ Սրբազան Հայրը, Գերշ.Տ.Թորգոմ Արք.Մանուկեան, Հոգեշնորհ Տ.Վազգէն Վարդապետ Քէշիշեան, եւ Տ.Փառէն Վրդ.Աւետիքեան, որ մեր Ս.էջմիածին ուղեւորութեան առիթով այցելեց, նաեւ Արժ.Գէնըն Քէնէթ Մարի եւ Արժ.Տէր Գրիգորիէլ, մին Յպիսկոպոսական եկեղեցւոյ, միւսը Ռուս Ուղղափառ եկեղեցւոյ հոգեւորականներ էին:

գ - Եկեղեցական կազմակերպութեանց ժողովներու ներկայ գտնուած, նախագահած, եւ այդ հանգամանքով ուղղութիւն տուած ենք մեր եկեղեցւոյ ժողովական գործունէութեանց: Այսպէս 1969 տարւոյ ընթացքին գումարուած են 26 Միակն խորհուրդի ժողովներ: 25 նիստեր Տիկնանց Միութեան վարչական կազմի եւ անդամական ժողովներու: Նոյնպէս նախագահած ենք Դպրաց դասու, Կիրակնօրեայ Դպրոցի, Երիտասարդաց հերթական ու բացառիկ ժողովներուն:

Դ - Միակն խորհուրդի եւ Տիկնանց Վարչութեան անդամներու գովելի գործունէութեան մասին մասնաւոր գնահատութիւնս կուզեմ յայտնել իրենց արդիւնաւոր ու ժրջան աշխատանքներուն համար, որոնց մանրամասն արդիւնքը կերելի իւրաքանչիւրին մատուցած տեղեկագրերուն մէջ:

դ - Մուխիւն ծանօթանալու համար կատարած ենք կանոնաւոր այցելութիւններ, նախ բոլոր անդամներուն, ապա համայնքին այն ընտանիքներուն որոնք կերպով մը կապուած են մեր եկեղեցիին: Մուխիւ մը համար կարեւոր է ունենալ իր ընտանիքներու արձանագրութիւնները. կանոնաւոր ու սխտեմադիկ կերպով

այժմ ունինք մանրամասնեալ արձանագրութիւնները մեր համայնքի բոլոր ըն-տանիքներուն: Այդ արձանագրութեանց հիման վրայ բոլորին ամուսնութեանց տարեդարձներուն առիթով շնորհաւորական նամակներ ղրկած ենք. իսկ ինչ կը վերաբերի մանուկներու եւ պատանիներու, անոնց բոլորին ծննդեան տարեդարձ-ներուն առիթով բոլորին շնորհաւորական գարտեր ղրկած ենք: Ընդամէնը 124 շնորհաւորագրեր:

Տուներու այցելութեանց հետ, մեր մասնաւոր խնամքին առարկան ըրած ենք հիւանդաց այցելութիւնները: Խղճի հանդարտութեամբ կրնանք ըսել որ մեր անդամներուն եւ այլոց անխաւիան հիւանդանոց այցելած ենք աղօթքի գարտեր ղրկած ենք մեր հիւանդները մխիթարելու եւ զօրացնելու համար:

Իբրեւ նորութիւն մեր Ծուխին մէջ քանիցս կազմակերպած ենք տուներու մէջ ասուլիսներ եկեղեցագիտական, պատմական Ս. Գրային նիւթերու մասին: Նաեւ Համբարձման տօնին առիթով "ՎիճԱԿ" ի ձեռնարկը Ծուխին համար նորութիւն էր:

1969-ի մարտ 9-ը կիրակի կէսօրէ ետք Պալթիմորի մեր փոքրիկ համայն-քին համար կազմակերպման օր մը եղաւ, որու ընթացքին խօսեցանք եւ այդ առի-թով ցոյց տուինք եկեղեցական նկար մը, Ս. Էջմիածնէն բերուած:

Մայրերու Օրուան առիթով նեշընըլ Գըթիտըլի Պատարագը, եւ Ոտնլուայի փառաւոր արարողութիւնը մեզ մօտէն ծանօթացուց եւ յարգանք ներշնչեց օտար եկեղեցիներու անդամներուն եւ եկեղեցականներուն: Անցեալ տարւոյ Յուլիսին անդամակցեցանք Ուաշինկթընի նեշընըլ Գաուսըլ ավ Զըրչըզի կազմակերպութեան: Հրաւիրուած ենք մասնակցելու նաեւ մեզի ղրացի 7 եկեղեցիներու խորհուրդին: Անոնք Ձէվի Ձէյսի հետեւեալ եկեղեցիներն են: ԵՊԻՍԿՈՊՈՍԱԿԱՆ Ամենայն Սրբոց եկեղեցին, Երկու Մեթոտական, ՄԿՐՏՁԱԿԱՆ, Երիցական, ՀՌՈՎՄԵԱԿԱՆ ԽԱԹՈՂԻԿ եւ ՀՈՒՏԵՐԱԿԱՆ եկեղեցիները, որոնց ընկերային գործունէութեան կը մասնակցինք:

Կրկնութենէ խուսափելու համար այս տեղեկագրին մէջ զեղջած ենք յիշա-տակութիւնը այն գործունէութիւններուն, որոնց մասնակցած ենք. եւ որոնք մեր - միւս եկեղեցական կազմակերպութիւնները պիտի տեղեկագրեն:

Մեր պաշտօնին բերումով անցեալ Հոկտեմբեր ամսուն մասնակցեցանք Ս. Էջմիածնում գումարուած Եպիսկոպոսաց Ժողովին, եւ այդ առիթով պէտք եղած կարգադրութիւնները ըրինք որպէսզի այցելու հոգեւորականներ ունենանք:

Հովուական մեր պաշտօնին հետ ձեռնարկեցինք նաեւ "Առաջնորդի Պատգա - մաւորի" միւս պաշտօնին, կատարելով պարտականութիւնները իբրեւ ներկայացու - ցիչը Հայ Եկեղեցւոյ, մայրաքաղաքիս մէջ: Համապատասխան ժողով մը կազմուեցաւ բաղկացած հետեւեալ յարգելի ազգայիններէ. Տօքթ. Ա. Աւագեան Ատենապետ, Տիար Գ. Գասպարեան Ատենադպիր, Տիար Ա. Պօտուրեան Գանձապահ, եւ Գնդ. Ճ. Ճսգալեան խոր - հրդական:

Կարեւոր կը նկատեմ մեր կատարած գործերուն ամփոփ տեղեկութիւնները տելէ ետք հակիրճ կերպով թուել մանաւանդ մեր ապագայի ծրագիրները:

- Ա- ԱՊԱՀՈՎԵԼ ՄԵՐ ԵԿԵՂԵՑԻՈՅ ԱՊԱԳԱՆ: 1-Քաղաքէն դուրս հող մը գտնելու եւ գնելու համար ծրագիր մշակել: Այս ժողովը արդէն ունի սեղանի վրայ այդ մասին հարց մը: 2- Այդ նպատակին համար անձեռնմխելի գումար մը հաստա - տել. ապահովելով եկամուտներ ու կտակներ:
- Բ- ԵԿԵՂԵՑԻՈՅ ԲԱՐԵՁԱՐԴՈՒԹԻՒՆ. փոփոխութիւններ կատարել այդ նպատակաւ եկեղեց - ւոյ մէջ: Նախապէս այս մասին մանրամասնութիւններ տուած եմ:
- Գ- Ուաշինկթըն նոր հաստատուող եւ եկեղեցւոյ չը պատկանող ընտանիքները կա - պել մեր եկեղեցւոյ ծրագրուած աշխատանք կատարելով:
- Դ- ԾՐԱԳԻՐ ՄԱՆՈՒԿՆԵՐՈՒ ԱՄԱՌՆԱՅԻՆ ԳԵՄԲԻ մը մասին էզպրի Բարքի մէջ:

Համագործակցութեան, սիրոյ, յաջողութեան լաւագոյն մաղթանքներ բոլորիս յա - ռաշիկայ տարեշրջանի համար. եւ հայցելով Աստուծոյ օրհնութիւնն ու օգնականու - թիւնը բոլորիդ վրայ:

Սիրոյ ողջունիւ եկ Օրհնութեամբ
Բաբգէն Եպիսկ. ՎԱՐԺԱՊԵՏԵԱՆ, Հոգ. Հովիւ